

木大明敬朝班之旭日松花克享飄飄席之  
香風拳拳祀上之誠翼冀南中之敬班聯帝  
陛妙演仙科三業六塵未滌多生之咎九華  
十極徒瞻列聖之光惟肆赦於愆尤庶旁流  
於惠澤上願

皇圖鞏固

聖壽綿長萬方歌泰運之隆四海樂無為之  
治兵戈寢息年穀豐登以致動植飛潛洪纖  
高下均沐乾坤之發育咸資造化以生成并  
斗替星喜遂林泉之修習耕田鑿井欣聞衢  
壤之歌謠教法興行經錄流演則上明  
真君大慈之化下副臣等皈命之誠謹啓以  
聞

發願

復爐

香官使者左右神君侍香諸靈官當令向來  
早朝之所自然生金液丹碧芝英百靈眾真  
交會在此香火爐前當願精誠上達家國安  
寧十方仙童玉女接待香煙傳日向來所啓  
之言速達徑詣

九天金闕洪恩真君  
九天玉闕洪恩真君 聖前

洪恩靈濟真君自然行道儀

正一天師清微弟子 洪百堅 製作



洪恩靈濟真君集福宿啓儀 壹

法事如式

各禮師存念如法

請宣神呪

東方

東方九炁 始皇青天 碧霞靈臺 中有老人  
總校圖錄 攝赤舉仙

南方

南方丹天 赤帝玉堂 中有大神 號曰赤皇  
上炎流煙 炁炁勃光 神仙受命 應會太陽

西方

西方素天 白帝七門 金靈暗暎 太華流氣  
白石峨峨 七炁氤氳 上有始生 皇老大神  
總領肺氣 主校九天 檢定圖錄 制召上仙

北方

北方玄天 五炁徘徊 中有黑帝 雙皇太微  
總領符命 仙鍊八威 青梧羽褐 龍文鳳衣  
上帝所舉 制到玉階

中央

中央總靈 黃上天元 始生五老 中皇高尊

攝蒸監真 總領羣仙 典錄女圖 宿簡玉文  
催運上蒸 普告萬神

鳴法鼓二十四通

太上玄元五靈老君召出臣等身中三五功  
曹左右香官使者侍香金童傳言玉女直日  
香官功曹使者三蒸正神速上關啓查邊魏  
趙乃五大元帥岳許二元帥天丁力士左右  
神官以今肅啓告齋建壇闡事臣等欽奉  
聖旨其諸意旨已錄上聞願得  
正真生炁下降流入臣等身中今今所啓之  
言速達

九天金闕洪恩真君

九天玉闕洪恩真君 聖前

請稱法位

具位 臣等今故燒香願以是功德洪惟

九天金闕洪恩真君

九天玉闕洪恩真君華善照輝簪纓冠世潛  
天潛地獨專造化之功曰雨曰暘莫測威靈  
之妙洋洋如在濯濯厥靈願賜於鑒觀特  
俯歆於崇謝臣等先用上祝

皇圖鞏固

聖壽綿長廓施

化育之仁垂拱大平之治次為

儲官藩屏宰輔公卿官屬下及臣等三師五

友異代學真谷隱巖栖門徒祭酒以至寰中

庶類天下人民動植飛潛無邊含識臣等皈

身皈神皈命

九天金闕玉闕洪恩真君特乞消除三業六

根無邊業社得免離三災五苦八難九厄之

中身得真道歌詠太平同躋仁壽逍遙無為

永與道合所祈玄感應聲上詣

九天金闕洪恩真君

九天玉闕洪恩真君 聖前

唱方

禮足各長跪皈命懺悔

臣法衆等志心皈身皈神皈命

九天金闕洪恩真君

九天玉闕洪恩真君恭望

大慈同垂巨澤普降洪恩臣聞

玉宇開光鳳象昭回於碧落金科演妙龍章

輝煥於赤明修之則駕景騰霄用之則安人

利物重念臣等五神滂越六府昏迷身口意

之業塵流吹罔息精炁神之妙用混結未凝

重祈潔雪於襟靈庶使澄清於諸障消融五

累證妙三元端一念於黃中對揚有異望九

霄於玄上應感無方臣等志心稽首禮謝

九天金闕洪恩真君

九天玉闕洪恩真君 聖前

三啓頌

三禮謝

重稱法位

具位 臣等與臨壇法衆代禮官等謹同誠上

啓

九天金闕洪恩真君

九天玉闕洪恩真君

聖父翊亮真君

聖母仁壽淑善仙妃

聖妃涇國夫人順助仁惠貞應仙妃

衛國夫人善助慈懿恭靜仙妃

聖兄聖嫂聖舅聖婿聖子聖女聖姪聖孫列

位仙眷合殿威靈查邊魏趙刀五大元帥岳許二元帥今年太歲之神京都城隍本宮土地之神靈壇感降一切祇靈咸望

洪慈俯垂洞鑒臣等草芥微生醜難陋質幸依昌運獲奉玄宗主典祠宮功無及於分寸

周流塵俗過有積於丘山尚祈善債之仁克副禱祈之請凡有開告敢不上聞臣欽奉

聖旨崇修清醮延奉真旂潔己齋心推誠秉悃恭依瓊範崇建瑤壇列羽葆之縵紛扣琳

琅而振響金華散彩玉燭騰輝謝過理誠祈思請命仰惟

九天金闕玉關洪恩真君降差官屬五帥神員協力同心肅清內外蕩除兇穢遠隔妖氛使臣等五氣安熙百關調泰操存達詣合神景於丹元啓告感通注靈光於

紫禁善功克備齋福周圍一切舍靈同沾勝善明晨行道別具啓聞

發願

存神燒香

謹攝香官使者左右神君侍香諸靈官當令

宿建之所自然生金液丹碧芝英百靈求其交會在此香火爐前當願精誠上達家國安寧十方仙童玉女接侍香煙傳臣向來所啓之言速達

九天金闕洪恩真君

九天玉關洪恩真君聖前

洪恩靈濟真君集福宿啓儀



洪恩靈濟真君集福早朝儀

壹四

法事如式

各禮師存念如法

金真綠霞 煥映三天 飛雲丹霄 諸天控轡

晨暉啓旦 陰翳俱捐 九微震空 五星回旋

萬仙應感 自然妙玄 杳冥散體 分形百千

玄珠光耀 瑞降壇乾 顯幽蒙惠 合景三田

和興道合真

鳴法鼓二十四通

太上玄元五靈老君召出臣身中三五功曹左

右香官使者侍香金童傳言玉女直日香官

功曹使者三炁正神速上開啓查邊魏趙刀

五大元帥岳許二元帥天丁力士左右神官

臣今陞壇法事欽奉

聖旨崇修齋醮集福

邦家其諸丹個已錄告聞願得正真生炁下

降流入臣等身中令臣所啓之言速達

九天金闕洪恩真君

九天玉關洪恩真君聖前

請攝法位